

Bosna i Hercegovina  
Federacija Bosne i Hercegovine  
Tuzlanski kanton  
OPĆINSKI SUD U GRAČANICI

Broj: 027-0-Su-21-000 199/1  
Gračanica, 26.03.2021. godine

IZVJEŠTAJ  
O RADU OPĆINSKOG SUDA U GRAČANICI  
ZA 2020. GODINU

Na osnovu elemenata i pokazatelja iskazanih u ovom izvještaju kroz prikaz stanja riješenih i neriješenih predmeta, priliva i strukture predmeta, kvaliteta rada, kaznene politike, izvršenja krivičnih sankcija, kadrovske strukture suda i materijalnog položaja kao i rada sudske uprave, može se sagledati rad Općinskog suda u Gračanici u 2020. godini.

## STANJE RIJEŠENIH I NERIJEŠENIH PREDMETA

U priloženim tabelama prikazani su podaci o rješavanju predmeta na svim referatima i to: stanje neriješenih predmeta na dan 31.12.2019. godine, broj primljenih predmeta u 2020. godini, ukupan broj predmeta u radu, broj završenih i broj neriješenih predmeta na kraju 2020. godine, pregled neriješenih predmeta po godinama iz koje potiču.

Osim predmeta iskazanih u tabelama, u toku 2020. godine riješeno je i:

- Nar/Rz predmeta (predmeti naručenih izvadaka, prepisa i uvjerenja i razna zemljišno-knjižna pismena) 6879,
- izvršeno 13 ovjeravanja isprava (Ov. predmeti),
- izvršeno 1736 ovjeravanja isprava namijenjenih za upotrebu u inostranstvu (Ov-h),
- izdato 413 Kr uvjerenja da se ne vodi krivični postupak,
- izdato 190 Prz II uvjerenja da nisu izricane zaštitne mjere obavljanja djelatnosti, da stranka nije prekršajno kažnjavana.

### Krivična oblast

U 2020. godini u krivičnoj oblasti sudovanja primljeno je u rad K 139 predmeta i 188 Kps predmeta. Broj krivičnih predmeta (K) koji su primljeni u rad 2020. godine u odnosu na 2019. godinu je manji, jer je 2019. godine primljeno 168 K predmeta, a manji je broj i zaprimljenih Kps predmeta jer je 2019. godine primljeno 216 Kps predmeta.

Određeni predmeti Kps zaprimljeni u 2020.godini su i završeni u toj fazi donošenjem odluke, dok je određeni broj Kps predmeta prešao u K fazu.

Došlo je do promjene u strukturi krivičnih djela u odnosu na prethodnu godinu tj. povećan je broj krivičnih djela: laka tjelesna ozljeda, ugrožavanje sigurnosti, posjedovanje i omogućavanje uživanja opojnih droga, nasilje u porodici, krađa, teška krađa, ugrožavanje javnog prometa zbog omamljenosti, teška djela protiv sigurnosti javnog prometa.

U tabeli ispod je prikaz K i Kps zaprimljenih predmeta, prikazani po pravnom osnovom, tako je vidljivo da su u 2020.godini zastupljena sljedeća krivična djela

Vrsta krivičnog djela	član KZ F BiH	Broj predmeta
Zakon o osiguranju od odg. za motorna vozila	Čl. 23. ZOOMV Sl. novine FBiH br.24/05	2
Prouzrokovanje smrti iz nehata	168 KZ FBiH	1
Teška tjelesna ozljeda	172 KZ FBiH	8
Laka tjelesna ozljeda	173 KZ FBiH	28
Učestvovanje u tuči	174 KZ FBiH	1
Ugrožavanje sigurnosti	183 KZ FBiH	14



Bludne radnje	208 KZFBiH		1
Izvanbračna zajednica s mlađim maloljetnikom	216 KZFBiH		1
Zapuštanje ili zlostavljanje djeteta ili maloljetnika	219 KZFBiH		1
Nasilje u porodici	222 KZ FBiH		14
Izbjegavanje izdržavanja	223 KZ FBiH		1
Neovlaštena proizvodnja i stavljanje u promet opojnih droga	238 KZ FBiH		9
Posjedovanje i omogućavanje uživanja opojnih droga	239 KZ FBiH		35
Neizvršavanje odluke o vraćanju na rad	284 KZFBiH		1
Krađa	286 KZ F BiH		18
Teška krađa	287 KZ F BiH		11
Oduzimanje tuđe pokretnine	291 KZF BiH		2
Oštećenje tuđe stvari	293 KZ F BiH		12
Prijevarama	294 KZ F BiH		3
Pustošenje šuma	315 KZFBiH		1
Šumska krađa	316 KZ F BiH		2
Izazivanje opće opasnosti	323 KZFBiH		1
Nesavjesno čuvanje pasa	327 KZFBiH		1
Teška krivična djela protiv opće sigurnosti ljudi i imovine	328 KZFBiH		1
Ugrožavanje javnog prometa	332 KZ F BiH		9
Ugrožavanje javnog prometa zbog omamljenosti	333 KZ F BiH		11
Teška djela protiv sigurnosti javnog prometa	336 KZ F BiH		21
Lažno prijavljivanje	347 KZFBiH		1
Nasilničko ponašanje	362 KZ F BiH		7
Nedozvoljeno držanje oružja ili eksplozivnih materija	371 KZ F BiH		3
Krivotvorenje isprave	373 KZ F BiH		2
Napad na službenu osobu u vršenju poslova sigurnosti	359 KZ F BiH		1
Protuzakonito posredovanje	382 KZFBiH		1
Neovlašteni pristup zaštićenom sistemu i mreži elektronske obrade podataka	397 KZFBiH		1
Neovlašteno nabavljanje, držanje i prodaja oružja i bitnih dijelova za oružje	72.Zakon o oružju i municiji		3

U 216 primljenih Kps predmeta ukupno je optuženo 201 lice od kojih je 149 lica sa područja općine Gračanica, 25 lica sa područja općine Doboj Istok, dok je 27 lica sa područja drugih općina.

Na kraju 2019.godine ostalo je neriješenih 51 predmet, u 2020. godini riješeno je 150 krivičnih predmeta, te je na kraju izvještajnog perioda ostalo neriješeno 40 K predmeta. Osuđujućom presudom je završeno 96 predmeta, oslobađajućom presudom 10 predmeta, u 5 predmeta je obustavljen postupak, u 1 predmetu je odbijena optužnica, 1 predmet riješen na drugi način, dok je 37 predmeta riješeno u 2020.godini ali donesene odluke još nisu pravosnažne.

Od ukupno riješenih 150 K predmeta u 48 predmeta (32%) presuda je izrečena po osnovu priznanja krivnje, u 3 predmeta (2 %) presuda je izrečena po sporazumu o priznanju krivnje, u 83 predmeta presuda je donesena nakon održanog glavnog pretresa (55,33 %), u 3 predmeta (2%) je donesena obustava postupka i 13 predmeta (8,66%) su završena na drugi način.

Od ukupno riješenih 180 Kps predmeta u 58 predmeta presuda je izrečena po izdavanju kaznenog naloga i to izricanjem uslovne osude, u 1 predmetu je donesena presuda na osnovu sporazuma o priznanju krivnje, u kojem je izrečena kazna zatvora, u 4 predmetu postupak je obustavljen, u 114 predmeta donesena je odluka u meritumu, u 1 predmetu optužnica je povučena, 2 predmeta su završena na drugi način.

Na kraju izvještajnog perioda ostalo je neriješeno 40 K predmeta i to: 27 predmeta (67,5%) iz 2020.godine, 5 predmeta (12,5%) iz 2019. godine, 1 (2,5%) predmeta iz 2018. godine, 2 predmeta (5,0%) iz 2014. godine, 1 predmet (2,5%) iz 2013.godine, 1 predmeta (2,5%) iz 2012.godine, 1 predmeta (2,5%) iz 2011.godine, 2 predmeta iz 2010. godine i ranije (5%).

Trajanje postupka: u 150 završena K predmeta u 2020. godini postupak je u 112 predmeta trajao do 3 mjeseca ili 74,66 %, u 34 predmeta ili 22,66% postupak je trajao preko 3 mjeseca do 1 godine, a u 4 predmeta ili 2,66 % postupak je trajao preko 1 godine.

### **Kaznena politika**

Od riješenih 150 predmeta, kazna zatvora je izrečena u 22 predmeta, uslovna osuda u 61 predmetu, novčana kazna u 11 predmeta, sudska opomena u 1 predmetu, 10 predmeta je završeno donošenjem presude kojom se optuženi oslobađa od optužbe, u 1 predmetu je donesena presuda kojom je utvrđeno da je djelo učinjeno u stanju neuračunljivosti te određena mjera Obaveznog psihijatrijskog liječenja, u 1 predmetu je optužba odbijena, u 5 predmeta je obustavljen postupak, 1 završen na drugi način, dok je 37 predmeta riješeno u 2020.godini ali donesene odluke još nisu pravosnažne.

Kaznena politika redovno je analizirana na radnim sastancima sudija i može se ocijeniti adekvatnom počinjenim djelima odnosno jačini ugrožavanja ili povrede zaštićenog dobra, okolnostima pod kojima su djela učinjena, stepenu krivične odgovornosti počilaca, kao i drugim okolnostima od kojih zavisi vrsta i visina kazne, odnosno vrsta krivične sankcije.

Pritvor je određivan za 5 lica u 5 predmeta. Pritvor je za 1 lice trajao do 30 dana, za dva lica pritvor je trajao od 1 do 3 mjeseca, za 1 lice pritvor je trajao od 3-6 mjeseci odnosno za 1 lice pritvor još uvijek traje (preko 3 mjeseca).



## Maloljetnička delikvencija

U 2020. godini u radu je bilo 9 Km predmeta od kojih je 1 predmet prenesen iz 2019. godine a 8 predmeta je zaprimljena u 2020. godini. U odnosu na 2019. godinu u 2020. godini došlo je do povećanja priliva Km predmeta.

U 2020. godini u zaprimljenim predmetima u postupku protiv maloljetnika zastupljena su sljedeća krivična djela:

Vrsta krivičnog djela	član KZ F BiH	Broj predmeta
Posjedovanje i omogućavanje uživanja opojnih droga	239 KZ FBiH	3
Laka tjelesna ozljeda	173 KZ FBiH	2
Teška krađa	287 KZFBiH	2
Nasilničko ponašanje	362 KZFBiH	1
Nasilje u porodici	222 KZ FBIH	1

Završeno je 8 predmeta Km, a 1 predmet je nezavršen. U 7 Km predmeta izrečene su odgojne mjere i to u 2 predmeta odgojna mjera pojačanog nadzora roditelja, u 4 predmetu odgojna mjera pojačanog nadzora nadležnog organa socijalne zaštite, u 1 predmetu je izrečena mjera upozorenja-sudski ukor, dok je u 1 predmetu izrečena mjera upozorenja i usmjeravanja-upućivanje u odgojni centar i odgojna mjera pojačanog nadzora organa socijalne zaštite.

Trajanje postupka – u svim završenim Km predmetima postupak je trajao do 3 mjeseca.

### a) Građanska oblast

#### **Pregled primljenih parničnih predmeta:**

Red. br.	Vrsta parničnog spora	Broj predmeta
<b>1.</b>	<b>Sporovi iz bračnih i porodičnih odnosa</b>	<b>113</b>
a	Razvod braka	92
b	Izdržavanje	
	- djece	1
	- bračnog druga	0
c	Osporavanje očinstva / materinstva	1
d	Utvrđivanje očinstva/materinstva	0
e	Podjela/utvrđivanje bračne stečevine	8
f	Određivanje neposrednih kontakata djeteta sa roditeljem sa kojim ne živi	2
g	Izmjena odluke o povjeravanju djeteta	4
h	Određivanje staranja o djetetu	4
i	Izdržavanje-ostali	1

<b>2.</b>	<b>Sporovi iz nasljeđivanja</b>	<b>0</b>
<b>3.</b>	<b>Sporovi iz stvarnog prava</b>	<b>37</b>
a	Smetanje posjeda i prava	14
b	Svojina i posjed nepokretnosti	2
c	Svojina i posjed pokretnih stvari	1
d	Stambeni-iseljenje	1
e	Utvrđenje služnosti	5
f	Zaštita prava služnosti	1
g	Utvrđivanje i uknjižba	13
<b>4.</b>	<b>Sporovi po osnovu ugovora i pravnih poslova</b>	<b>6</b>
a	Poništenje/ništavost ugovora	5
b	Otkaz ugovora	1
<b>5.</b>	<b>Sporovi o naknadi štete</b>	<b>50</b>
<b>6.</b>	<b>Sporovi iz radnih odnosa</b>	<b>8</b>
<b>7.</b>	<b>Ostali sporovi</b>	<b>413</b>
a	Dug	156
b	Komunalne i slične usluge	249
c	Prijedlog za određivanje mjere osiguranja	3
d	Ostali	5

Na parničnom referatu (P, RS i Mal predmeti) primljeno je 627 predmeta (204 P, 11 Rs, 406 Mal, 5 P-Mo i 1 Rs-Mo) i u toku izvještajnog perioda u radu je bilo ukupno 860 predmeta.

U 2020. godini riješeno je ukupno 649 parničnih predmeta ( 191 P, 13 Rs, 441 Mal, 3 P-Mo i 1 Rs-Mo predmeta), od čega presudom zbog propuštanja 296 predmeta ili 45,60%. Od 191 P predmeta, presudom zbog propuštanja završeno je 17 predmeta ili 8,9% a od 441 Mal predmeta 279 je završeno presudom zbog propuštanja ili 63,26%. Presudom na osnovu priznanja riješeno je 13 predmeta ili 2%. Od 191 P predmeta presudom na osnovu priznanja završeno je 6 predmeta ili 3,14%, od 441 Mal predmeta 5 je završeno presudom na osnovu priznanja ili 1,13%, od 13 Rs predmeta 2 su završena presudom na osnovu priznanja ili 15,38%. Presudom na osnovu odricanja riješen je 1 predmet ili 0,15%. Presudom donesenom nakon provedene rasprave riješeno je 144 ili 22,18 % predmeta (od čega 105 P ili 54,97%, 8 Rs ili 61,53%, 30 Mal predmeta ili 6,8% i 1 P-Mo ili 33,33%). Sudskom nagodbom je riješeno 24 ili 3,70% predmeta (od čega 11 P ili 5,76%, 13 Mal predmeta ili 2,95%). Procesnom odlukom je riješeno 47 predmeta ili 7,24% (od čega 11 P ili 5,76%, 1 Rs ili 7,70%, 33 Mal predmeta ili 7,48% i 2 P-Mo ili 66,66%), u 20 predmeta sud se oglasio nenadležnim ili 3,08% (19 Mal ili 4,30% i 1 P ili 0,25%). 104 predmeta ili 16,02% su riješeni na drugi način, odnosno povlačenjem tužbe odnosno prekidom postupka (od čega 39 P ili 20,42 %, 2 Rs ili 15,38%, 62 Mal predmeta ili 14,06 %, 1 Rs-Mo ili 100%).

Na kraju izvještajnog perioda ostalo je neriješeno 211 parničnih predmeta (114 P, 6 Rs, 88 Mal, 2 P-Mo i 1 P-Mpom, od čega 186 predmeta iz 2020. godine i 25 iz ranijih godina.

Trajanje postupka: u 649 (204 P, 11 Rs, 406 Mal, 5 P-Mo i 1 Rs-Mo) završenih parničnih predmeta postupak je u 642 predmeta trajao do 1 godine ili 98,92% a u 7 predmeta postupak je trajao preko 1 godine ili 1,08%.



## b) Vanparnični referat

### Pregled primljenih vanparničnih predmeta:

Vrsta vanparničnog postupka	Broj predmeta
Ostavinski postupak	631
Sastavljanje testamenta	3
Deponovanje testamenta	4
Opozivanje testamenta	3
Oduzimanje ili vraćanje poslovne sposobnosti	10
Proglašenje nestalih osoba umrlim i dokazivanje smrti	1
Dozvola za zaključenje braka	1
Zadržavanje duševno bolesnih osoba u zdravstvenoj ustanovi	1
Oduzimanje i vraćanje roditeljskog staranja	2
Održavanje neposrednih kontakata djece koja ne žive sa istim roditeljima	1
Dioba stvari i nekretnina u zajedničkom vlasništvu	16
Uređenje međa	12
Protest mjenice	59
Pravna pomoć	14
Otkaz ugovora o zakupu poslovnih prostorija	1
Ostalo	2

Na vanparničnom referatu primljen je 761 predmet i u toku izvještajnog perioda u radu je bilo ukupno 1021 predmeta.

U toku izvještajnog perioda riješeno je 628 predmeta od toga 511 ostavinskih predmeta (O), 99 vanparničnih (V-V), 4 deponovanje testamenta (Pi-Pi), 13 predmeta pružanja međunarodne pravne pomoći (V-Mpom), 1 predmet pružanje pravne pomoći (V-Pom).

Od 99 riješenih V predmeta donošenjem odluke u meritumu riješeno je 26 predmeta, sudska nagodba je zaključena u 2 predmetu, povlačenjem prijedloga 6 predmeta, prekid postupka određen je u 2 predmeta, 4 predmeta su završena donošenjem procesne odluke, na drugi način riješeno 58 predmeta, dok se u 1 predmetu sud oglasio apsolutno nenadležnim. Od ukupno riješenih 13 V-Mpom predmeta u 8 predmeta je zamolnica izvršena a u 5 predmetu nije izvršena, a u jednom V-Pom predmetu koji je riješen zamolnica nije izvršena.

Od ukupno riješenih 511 O predmeta, od strane notara riješeno 447 predmeta, na osnovu raspravljanja zaostavštine riješeno 28 predmeta, rješenje o nasljeđivanju doneseno u 18 predmeta, prijedlog odbačen u 3 predmeta, prijedlog povučen u 4 predmetu, završeno na drugi način u 4 predmeta, u 2 predmeta je doneseno rješenje o neraspravljanju zaostavštine, u 1 predmetu donesena procesna odluka, dok su 4 predmeta delegirana po mjesnoj nenadležnosti drugom sudu.

Trajanje postupka: na vanparničnom referatu od 628 predmeta u 599 predmeta postupak je trajao do 1 godine ili 95,38 % dok je u 29 predmeta ili 4,62 % postupak trajao preko 1 godine.

### **c) Izvršni referat**

Na izvršnom referatu u toku 2020. godine primljeno je 1214 predmeta, od toga je 273 komunalnih predmeta, 2 I-Pom i 103 Ip predmeta a 836 je I predmeta (I-I, K-I, Mal-I, P-I, Pr-I, Rs-I, V-I).

U toku 2020.godine riješeno je 1215 izvršnih predmeta i to: 1 I-Pom, 69 Ip predmeta, 351 komunalnih predmeta i 794 ostalih predmeta (po prijedlogu banaka, Mikrokreditnih organizacija, izvršenja na osnovu pravosnažnih sudskih odluka i dr.)

Na kraju izvještajnog perioda ostalo je neriješeno 699 izvršnih predmeta, od čega iz 2020. godine 536 predmeta, iz 2019. godine 120 predmeta, iz 2018. godine 23 predmeta, iz 2017. godine 13 predmeta, iz 2016. godine 6 predmeta, iz 2013. godine 1 predmet.

Od ukupno neriješenih 699 izvršnih predmeta 215 je komunalnih predmeta.

### **Pregled rada u izvještajnom periodu po Pr predmetima**

U izvještajnom periodu primljeno je ukupno 922 prekršajnih predmeta od čega je 574 Pr predmeta, 23 Prm, 4 Pr-Mpom predmeta, 55 Pr-Pom, 55 Pr-Pls predmeta, 67 Pr-Ipsz i 140 Ips predmeta i 4 Pr-Zm predmeta.

U izvještajnom periodu na prekršajnom referatu ukupno je riješeno 971 predmeta od toga: 494 Pr predmeta, 22 Prm predmeta, 56 Pr-Pls predmeta, 269 Pr-Ips predmeta, 66 Pr-Ipsz predmeta, 5 Pr-Mpom predmeta, 4 Pr-Zm predmeta, 55 Pr-Pom.

Na kraju izvještajnog perioda ostalo je ukupno 859 neriješenih prekršajnih predmeta od kojih je: 151 Pr predmeta i svi su iz 2020.godine, 699 Ips predmeta od čega 125 iz 2020.godine, 222 iz 2019.godine, 152 iz 2018. godine, 153 iz 2017.godine i 47 iz 2016.godine; 3 Pr-Ipsz oba iz 2020.godine, 1 Prm-Ipsm iz 2019.godine, 5 Prm-Prm od kojih su 4 iz 2020.godine a 1 iz 2018.godine.

### **Zemljišno-knjižni ured**

U 2020. godini riješeno je 5040 predmeta zajedno sa predmetima usaglašavanja katastra i zemljišne knjige, i to 2188 redovnih Dn predmeta na osnovu zahtjeva za upis i 2852 predmeta na osnovu zahtjeva za usaglašavanje katastra i zemljišne knjige. Primljeno je u toku 2020.godine 2190 redovnih Dn predmeta, a 8106 predmeta za usaglašavanje katastra i zemljišne knjige. Treba naglasiti da je u 2015. godini započeo Projekat registracije i usaglašavanja podataka o nekretninama i pravima na nekretninama iz katastra i zemljišne knjige za k.o. Gračanica i Gornja Orahovica, tako da je u 2015. godini zaprimljeno 14338 predmeta, dok je u novembru i decembru 2016. godine zaprimljeno 10256 predmeta za usaglašavanje katastra i zemljišne knjige za k.o. D. Lohinja-Pribava, Donja Orahovica i Lukavica Rijeka, u zadnjem kvartalu 2018.godine je zaprimljeno 9795 predmeta za usaglašavanje katastra i zemljišne knjige za k.o. Stjepan Polje, Miričina i Lukavica, dok je u 2020.godini zaprimljeno 8106 predmeta za usaglašavanje katastra i zemljišne knjige za k.o. Babići, Malešići, Rašljeva i Gornja Lohinja.

U toku 2020. godine priliv redovnih zemljišnoknjižnih predmeta na osnovu zahtjeva za upis je manji u odnosu na 2019. godinu za 370 predmeta a takođe i broj riješenih predmeta je manji u odnosu na 2019. godinu i to za 356 predmeta, s tim da treba naglasiti da je jednom



zemljišnoknjižnom referentu prestao radni odnos u ovom sudu u julu 2020.godine, te da je radno mjesto ostalo upražnjeno do kraja godine.

Kad su u pitanju zahtjevi za uspostavljanje zk uložaka na kraju 2020. godine riješen je manji broj predmeta u odnosu na 2019.godinu, a to iz razloga što je Zemljišnoknjižni ured u 2020. godini i to u drugom dijelu godine zaprimio veliki broj navedenih predmeta tj.8106, a s obzirom na period objave do decembra isti nisu mogli biti rješavani.

## **RJEŠAVANJE ZAOSTALIH PREDMETA**

Iz tabela br. 1 i br. 2 (gdje je dat prikaz svih vrsta predmeta) vidljivo je da je na dan 31.12.2019. godine ostalo neriješeno ukupno 3694 predmeta, uključujući i zemljišnoknjižne predmete kako redovne (43) tako i iz Projekta usaglašavanja katastra i zemljišne knjige (1382), dok je bez pomenutih predmeta na dan 31.12.2019. godini ostalo neriješeno 2269 predmeta.

U toku 2020. godine primljeno je u rad novih 14555 predmeta od čega je 10296 zemljišnoknjižnih predmeta i to 2190 redovnih Dn predmeta, a 8106 predmeta iz Projekta usaglašavanja katastra i zemljišne knjige, tako da je u radu bilo ukupno 18249 predmeta. U istom periodu riješeno je 9282 predmeta od kojih je 5040 zemljišnoknjižnih predmeta i to 2188 redovnih zk predmeta a 2852 riješenih predmeta iz Projekta.

Na dan 31.12.2020. godine ostalo je neriješeno ukupno 8967 predmeta od čega 8012 ili (89,35%) predmeta koji su primljeni u 2020. godini i 955 (10,65%) predmeta iz ranijih godina.

Od 955 predmeta koji su ostali neriješeni na kraju izvještajnog perioda, a potiču iz ranijih godina, 446 predmeta potiču iz 2019.godine, od čega su 3 Dn predmeta (redovni i predmeti iz Projekta), 207 predmeta potiču iz 2018. godine, od čega je 13 Dn predmet, 168 predmeta potiču iz 2017.godine, od čega su 2 Dn predmeta, 57 predmeta iz 2016.godine od čega je 2 Dn predmeta, 65 predmeta potiče iz 2015.godine od čega je 61 Dn predmeta, zatim 4 predmeta potiče iz 2014.godine, 3 iz 2013.godine, 1 iz 2012.godine, 1 iz 2011.godine, 3 iz 2010.godine i ranije.

Prije svega, neophodno je istaći činjenicu da je u navedenom periodu na rad suda znatno utjecala epidemiološka situacija u državi, tako da ni sud nije mogao raditi u uobičajenim uslovima, već je za vrijeme proglašene pandemije i stanja nesreće u FBiH rad suda bio organizovan na način da su, u samom početku proglašenog stanja nesreće shodno naredbama, odlukama i preporukama radile samo dežurne sudije. Zatim, nakon liberalizacije mjera, kada su sudovi počeli sa suđenjima, ročišta je teže održavati kako zbog obaveze poštivanja socijalne distance tako i zbog čestih odgađanja i nemogućnosti dolaska stranaka i učesnika u postupku koji se nalaze u inostranstvu. Pored navedenog, preneseni predmeti iz ranijih godina nisu riješeni iz procesnih razloga jer u pojedinim krivičnim predmetima optuženi nisu dostupni, mijenjaju se adrese, u parničnim predmetima, osim složenosti predmeta prisutna je kod određenog broja predmeta i nemogućnost dostave tužbe na odgovor tuženoj strani zbog promjenjenih ili netačnih adresa. Kod izvršnih predmeta razlog nerješavanja je to što je u izvršnim predmetima više izvršenika, tražitelj izvršenja dostavi netačne adrese, izjavljivanje prigovora izvršenika usporava postupak, zatim česta potreba da se vrši popis, procjena i prodaja pokretnih stvari izvršenika zbog čega sudski izvršilac fizički nije u mogućnosti da izvrši popis u svim predmetima, u pojedinim predmetima od strane tražilaca izvršenja traži se i ponovni popis stvari, izvršni postupak usporava podnošenje zahtjeva tražilaca izvršenja za odlaganje izvršenja na određeni vremenski period (6 mjeseci ili godinu dana) iz razloga što je izvršenik počeo sa plaćanjem duga.



Radi bržeg rješavanja starijih predmeta sud svake godine u skladu sa Uputstvom Visokog sudskog i tužilačkog vijeća Bosne i Hercegovine donosi Plan rješavanja predmeta, čija se realizacija redovno prati. Prema Uputstvu Vijeća plan se sačinjava za predmete koji nisu hitne prirode, komunalne prirode i odnosi se na one koji nisu riješeni za godinu dana od prijema inicijalnog akta u sud (optužnica, tužba, prijedlog za izvršenje). S tim u vezi, može se reći da je u prethodnoj godini zadovoljavajući broj starih predmeta riješen.

## **STATISTIČKI KVALITET ODLUKA**

Statistički kvalitet odluka se izračunava u skladu sa članom 16. Kriterija za ocjenjivanje rada sudija u Bosni i Hercegovini (broj 06-08-4731/2013, izmjene broj 06-08-4000/2014 i izmjene broj 06-08-1-3494/2016) i to na temelju sljedećih podkriterija:

- procent ukinutih odluka u odnosu na ukupan broj potvrđenih, preinačenih i ukinutih odluka od strane suda više instance
- procent ukinutih i preinačenih odluka, koje se u smislu stava 2.istog člana računaju kao ukinute, u odnosu na ukupan broj predmeta u kojima je donesena konačna odluka na koju se može izjaviti pravni lijek sudu više instance.

Broj donesenih odluka suda u 2020.godini na koje se mogao izjaviti pravni lijek je 2075, broj potvrđenih odluka je 162, broj preinačenih odluka je 46, broj ukinutih odluka je 45 a broj djelimično ukinutih je 8.

U skladu sa navedenim Kriterijima, kvalitet sudskih odluka za 2020.godini iznosi 84,02%.

## **IZVRŠENJE KRIVIČNIH SANKCIJA**

U toku 2020. godine u radu je bilo 116 predmeta izvršenja krivičnih sankcija (upućivanje pravnosnažno osuđenih lica na izdržavanje kazne zatvora) od kojih je 28 preneseno iz prethodnih godina, a 88 je primljeno u 2020. godini.

Od 88 primljenih predmeta izvršenja krivičnih sankcija u 78 predmeta osuđena lica su sa područja općine Gračanica, u 9 predmeta iz općine Doboj Istok, dok je u jednom predmetu za osuđenog utvrđeno da ima boravište na području Grada Doboj nakon čega je predmet dostavljen na nadležnost Osnovnom sudu u Doboju.

U toku izvještajnog perioda riješena su 102 predmeta, a 14 je ostalo neriješenih.

## **KADROVSKA STRUKTURA SUDA I MATERIJALNI POLOŽAJ**

Općinski sud u Gračanici vrši sudsku vlast za područja općina Gračanica (tj.Grada Gračanica) i Doboj Istok i za vršenje poslova prema Pravilniku o unutrašnjoj organizaciji i sistematizaciji radnih mjesta u Općinskom sudu u Gračanici 027-0-Su-19-000 544 od 08.11.2019. godine obrazovane su organizacione jedinice kroz Odjeljenje sudija, Odjeljenje sudske uprave (a-Odsjek sudske uprave i b-Pisarnica), te Odjeljenje za zemljišno-knjižne poslove.

Prema navedenom Pravilniku predviđeno je da sudijsku funkciju u Općinskom sudu u Gračanici vrši 5 redovnih sudija uključujući i predsjednika suda, 2 dodatnih sudija, 2 stručna



saradnika a ostale poslove iz nadležnosti suda predviđeno je da obavlja 8 državnih službenika i 26 namještenika, s tim da nisu popunjena sva predviđena radna mjesta.

Poslove sudija u izvještajnom periodu obavljalo je 6 sudija (predsjednik suda, 4 redovnih sudija i 1 dodatni sudija) i 2 stručna saradnika u periodu od januara do oktobra odnosno novembra 2020.godine, budući da je sudija Milica Đurić prestala sa radom u ovom sudu sa danom 31.10.2020.godine zbog imenovanja u drugi sud a stručna saradnica Selma Zećo sa danom 30.11.2020.godine takođe zbog imenovanja u drugi sud, tako da su u zadnjem kvartalu godine ostala upražnjena dva radna mjesta (1 sudija i 1 stručni saradnik). Dalje, jednom državnom službeniku - zemljišnoknjižnom referentu je prestao radni odnos u ovom sudu u julu 2020.godine, tako da je navedeno radno mjesto ostalo upražnjeno do kraja godine.

Dakle, u 2020. godini osim nepopunjenog mjesta dodatnog sudije (koje nikada nije popunjeno), kao i upražnjenog radnog mjesta redovnog sudije od 31.10.2020.godine i stručnog saradnika od 30.11.2020.godine, zbog imenovanja u druge sudove, te zemljišnoknjižnog referenta kojem je prestao radni odnos u ovom sudu sa danom 13.07.2020.godine, još su upražnjena određena mjesta državnih službenika i namještenika zbog finansijske situacije tj. od predviđenih 8 državnih službenika popunjena su 4 a od 26 namještenika popunjeno je 21 radno mjesto.

## **RAD SUDSKE UPRAVE**

U Odjeljenju sudske uprave obavljaju se poslovi kojima se osiguravaju uslovi za pravilan rad i poslovanje Suda a u okviru Odjeljenja sudske uprave formirane su unutrašnje organizacione jedinice a) Odsjek sudske uprave i b) Pisarnica.

Poslovi Odsjeka sudske uprave obuhvataju:

- organiziranje unutrašnjeg poslovanja u Sudu,
- obezbjeđenje blagovremenog i urednog obavljanja poslova u Sudu,
- osiguravanje uslova za rad sudija, stručnih saradnika i ostalih zaposlenika u Sudu, obavljanje poslova u vezi sa ostvarivanjem prava, obaveza i odgovornosti sudija, stručnih saradnika i ostalih zaposlenika u Sudu,
- podršku i brigu o stručnom usavršavanju sudija, stručnih saradnika i ostalih zaposlenih u Sudu,
- održavanje biblioteke u sudu i redovno popunjavanje aktuelnom stručnom literaturom,
- vođenje personalne dokumentacije,
- vršenje poslova finansijskog i materijalnog poslovanja Suda,
- obavljanje poslova javnih nabavki,
- obavljanje poslova iz radnih odnosa,
- poslovi izvršenja krivičnih i prekršajnih sankcija,
- poslovi u vezi sa pritužbama na rad sudija, stručnih saradnika, državnih službenika i namještenika,
- poslovi međunarodne pravne pomoći,

ostali poslovi određeni Zakonom i drugim propisima.

U radu suda primjenjuju se odredbe Pravilnika o unutrašnjem sudskom poslovanju Federacije BiH i Brčko distrikta, Pravilnika o sistemu za automatsko upravljanje predmetima u sudovima (CMS), Pravilnika o orijentacionim mjerilima za rad sudija i stručnih saradnika i Uputstva VSTV-a BiH za rad po starim neriješenim predmetima kao i drugi propisi.



U okviru rada sudske uprave, izvršena je i redovna obaveza predsjednika suda u pogledu godišnjeg ocjenjivanja rada uposlenika Suda, tj. ocjenjivanje rada 5 državnih službenika Suda, dok je po prijedlogu šefa pisarnice i šefa zk ureda, predsjednik Suda u okviru svojih nadležnosti izvršio ocjenjivanje ostalih zaposlenika.

Prema aktima VSTV BiH, nije izvršeno ocjenjivanje sudija i stručnih saradnika, s obzirom da pandemiju COVID-19 i njen utjecaj na rad sudova u pogledu ostvarenja godišnje norme.

U izvještajnom periodu kontinuirano su se izrađivali i mjesečni izvještaji o radu svakog sudije pojedinačno i suda u cjelini, a program CMS omogućavao je svakom od sudija da u bilo kojem trenutku ima informaciju o svojim ostvarenim radnim rezultatima i stanje broja neriješenih predmeta.

Odjeljenje sudske uprave je i u toku 2020. godine osiguralo sudijama administrativno-tehničku podršku pri pohađanju obaveznih edukacija svakog sudije ( i to u trajanju od najmanje tri dana) ostvarenih kroz seminare i konferencije koje je organizovao Centar za edukaciju sudija i tužilaca FBiH, kako onih održanih na predviđenim edukacijama tako i onih održanih on-line, zbog pandemije virusa COVID-19, a gdje su se iskustva stečena na stručnim usavršavanjima pozitivno odrazila na kvalitet rada svakog sudije pojedinačno ali i Suda u cjelini.

U okviru sudske uprave redovno su se održavali i radni sastanci sa šefovima unutrašnjih organizacijskih jedinica, a što je rezultiralo znatno boljom kvalitetom obavljanja svakodnevnih poslova i radnih zadataka, odgovornijim odnosom prema radu i radnoj disciplini te dosljednijem poštivanju Etičkog kodeksa ponašanja.

Web stranica suda se ažurira nastojeći da pruži javnosti potrebne podatke o radu suda i sudskim uslugama počevši od rasporeda održavanja glavnih pretresa i rasprava pa do načina ostvarivanja slobode pristupa informacijama, kao i ostalih obavještenja i uputstava kako bi strankama bili olakšani različiti postupci pred sudom.

Na kraju treba istaći i činjenicu da je sudska uprava ostvarila i veoma dobru saradnju sa Odjelom sudske policije, koja je smještena u zgradi Suda, i da je sudska policija u proteklom periodu uspješno obavila sve zadatke koje je dobivala od strane predsjednika Suda, sudija sa krivičnog referata te sudija sa drugih referata.

## **OCJENA I PRIJEDLOG MJERA**

Osnovne karakteristike za ovaj izvještajni period, u najkraćem, bile bi:

Općenito priliv predmeta u 2020. godini, bez zemljišnoknjižnih predmeta, je manji u odnosu na 2019. godinu, za 300 predmeta.

Priliv predmeta u 2020.g. je manji u odnosu na priliv u 2019. godini na krivičnom referatu odnosno neznatno manji na parničnom i vanparničnom referatu, dok je veći na izvršnom i referatu sudske uprave. U pogledu priliva prekršajnih predmeta, priliv Pr-Pr predmeta je neznatno veći u odnosu na 2019.godinu s tim da je znatno manji broj Pr-Pls predmeta zaprimljenih u 2020.godini.

U pogledu zemljišno-knjižnih predmeta priliv predmeta na osnovu zahtjeva za upis u 2020. godini je manji u odnosu na 2019. godinu, s tim da je zaprimljeno 8106 predmeta iz Projekta registracije nekretnina dok u 2019.godine nije bilo zaprimljenih predmeta te vrste, tako da je shodno tome manji i broj riješenih predmeta te vrste u odnosu na 2019.godinu, a manji je i broj riješenih redovnih predmeta na osnovu zahtjeva za upis u 2020.godini u odnosu na 2019. godinu.

U izvještajnom periodu neznatno je veći broj neriješenih predmeta u odnosu na 2019.godinu, od čega je u pogledu starosti neriješenih predmeta, najveći broj predmeta iz



2020.godine, zatim iz 2018., 2017., 2016. a mali je broj neriješenih predmeta iz 2015.godine i ranije.

S obzirom na ostvarenu kolektivnu normu suda od 87,02 % može se konstatovati da je postignut odgovarajući rezultat u postupanju sa predmetima, imajući u vidu vanrednu situaciju uzrokovanu pojavom COVID-19 te prestanak rada jednog sudije i stručnog saradnika krajem godine, čiji su predmeti presignirani ostalim sudijama i stručnom saradniku pred kraj godine. Dvoje sudija je imalo prebačaj norme (uključujući normu predsjednika suda) a ostale sudije su bile ispod 100% godišnje norme, dok se rad svih ostalih uposlenika cijeni kao uspješan odnosno naročito uspješan, posebno kada se ima u vidu nepopunjenost sistematizacije, odsustva po osnovu bolovanja ili prestanka rada.

Rad zemljišno-knjižnog ureda je veoma zadovoljavajući, s obzirom na Projekat usaglašavanja i broj predmeta koji je primljen u 2015. godini, 2016. godini, 2018. i 2020. godini.

Cjelokupan rad suda za 2020-tu godinu se može ocijeniti kao uspješan, o čemu govore podaci o broju ukupno riješenih predmeta sa godišnjom normom od 87,02 %, i kvalitetom rada suda od 84,02 %, takođe i smanjenim brojem starih predmeta, imajući u vidu uslove rada.

Plan rješavanja predmeta za nivo suda realizovan je u procentu od 83,08%.

Efikasnost posmatrana kroz dužinu trajanja postupka je različita u odnosu na vrstu predmeta, zavisno od broja predmeta na određenom referatu te priliva predmeta.

Rokovi propisani u Zakonu o krivičnom postupku za odlučivanje o potvrđivanju i dostavljanju optužnice, zakazivanje ročišta radi izjašnjavanja o krivnji, razmatranje izjava o priznanju krivnje, kao i u pogledu pritvorskih predmeta tako i u pogledu zakazivanja glavnih preteresa, su u najvećem dijelu predmeta ispoštovani, kao i rokovi propisani Zakonom o parničnom postupku u pogledu dostave tužbe na odgovor, kao i u zakazivanju pripremnih ročišta i glavnih rasprava. Rokovi propisani za izradu odluka uglavnom su ispoštovani na svim referatima, osim u opravdanim slučajevima.

U izvještajnom periodu ostvarena je saradnja na zavidnom nivou sa Centrom za pružanje besplatne pravne pomoći što se odrazilo na aspekt budžetskih sredstava zbog angažovanja uposlenika Zavoda u predmetima.

#### Ocjena o potrebnom broju sudija, stručnih saradnika i ostalih zaposlenika

Ako se ostvoreni priliv predmeta u 2020. godini iskazan u tabeli br. 1, sagleda u odnosu na godišnju normu, proizilazi da bi se zadržala postojeća ažurnost suda, odnosno ista i povećala, potrebno je prije svega popuniti upražnjena radna mjesta. Pored upražnjenih radnih mjesta sudije i stručnog saradnika, a imajući u vidu da u prvom kvartalu 2021. godine 2 namještenika daktilografa prestaju sa radom usljed penzionisanja, neophodno je ta radna mjesta popuniti što hitnije a obzirom da je već duži vremenski period 1 daktilograf odsutna zbog bolovanja te da se radi o 3 radna mjesta namještenika daktilografa, ozbiljno se dovodi u pitanje funkcionisanje suda i izvršavanje Zakonom predviđenih obaveza. Pored navedenog, potrebno je razmotriti u 2021.godini povećanje broja namještenika ili državnog službenika a imajući u vidu i predviđenu sistematizaciju novim Pravilnikom o unutrašnjoj organizaciji i sistematizaciji radnih mjesta.



PREDSJEDNIK SUDA  
Meliha Hadžihasanović  
Članak 107. Zakona o sudstvu  
Ovlaštenost prepisa ovjerava-potvrđuje  
Predsjednik vijeća, sudija  
*Meliha Hadžihasanović*  
OVLAŠTENI RADNIK SUDA